

## ÅRSMELDING 2007

Tillitsvalde i 2007-2008 har vore:

### Styremedlemer:

Beint Foss, Tveit Historielag, leiar  
Anders Auen Grimnes, Vestre Moland og Lillesand Historielag, nestleiar  
Per Iversen, Mandal Historielag, styremedlem  
Hallvard Tveit, Valle Sogelag, styremedlem  
Ragnhild S. Larsen, Flekkøfjord Historielag, styremedlem  
Jan Arild Andersen, Stokken Historielag, styremedlem  
Turid Bjørkenes, Holum Historielag, styremedlem  
Sveinung Lien, Tvedestrand Historielag, styremedlem

### Varamedlemer:

Helge Wiig, Holum Historielag  
Else Berit Berge, Birkenes Historielag  
Liv Kirsten Rølland, Tveit Historielag  
Kari M. Bruli, Kvinesdal Historielag  
Olaf Ingebretsen, Vennesla Historielag  
Torhild Austad, Bygland Sogelag  
Ellen Ledaal Gjertsen, Arendal Historielag  
Jan A. Ommundsen, Tromøy Historielag

### Valkomiteen:

Ellinor Lundberg, Arendal  
Jørdis Hodnemyr, Vennesla  
Olav Arne Kleveland, Evje  
Per T. Knudsen, Kristiansand

### Revisor:

Ettersynet av rekneskapen er gjort av fylkesrevisjonen i Vest-Agder

### Skrivar:

Borghild Løver, Lindesnes

### Verksemda i laget:

#### Styret

Det har vore 4 styremøte og 41 saker til handsaming i 2007. I tillegg har leiaren og skrivaren hatt møte mest kvar veke heile året.

#### Skrivar

Borghild Løver har vore skivar tilsvarende 20% stilling.

#### Kontorlokale og arkiv

Lagskontoret har i 2007 vore i tredje høgda i Mållagsbygget midt i Kristiansand sentrum. Medlemene i historielaget har alltid kunna nå skrivaren per telefon dag som kveld og tingte bøker evt. avtale kontorgjesting. Hovudlageret av bøker og årsskrift har vore på Statsarkivet i Kristiansand, dvs. på Gimlekollen.

#### Årsmøtet 2007

Årsmøtet vart halde i "Majorstuen" på Evjemoen laurdag 14. april 2007. Det var møtt fram 41 direktmedlemer og lokallagsrepresentantar. Olaf Ingebretsen frå Vennesla káserte om jernbana fram til 1938, medan Rita Flottorp framførte tradisjonsrike songar. Kontingentaue var ei av sakene på saklista, og årsmøtelyden gjekk samrøystes inn for å auke årskontingenten frå 220 til 250 kr.

#### Medlemsutvikling

Agder Historielag hadde 846 medlemer den 31.12.2007. 37 av desse var lokallag. Den store nedgangen i medlemstalet er dermed unngått.

#### Årsskriftet 2007

Årsskrift nr. 83 vart sendt ut i byrjinga av desember 2007 og var på 298 sider. Årsskriftet vart trykt i 1400 eksemplar, og er eitt av dei mest omfattande i lagets historie. Tema denne gongen var: Museumsvesenet på Agder, sosialhistorie (kriminelle barn, uekte barn og barnevandringar) og krigshistorie. I redaksjonskomitéen sat Beint Foss, Johnny Haugen, Marie T. Sørensen og Borghild Løver.

## **Egde**

Medlemsbladet EGDE kom ut i to nummer i 2007. Redaksjonen for dette bladet var Borghild Løver og Beint Foss. Bladet vart trykt i 1000 eksemplar og sendt ut til alle medlemene.

## **Internettside**

Internettsida til Agder Historielag har diverre ikkje vore oppdatert i 2007 på grunn av ressursmangel.

## **Årsskriftkatalog/-register**

Registeret er på 32 sider og inneheld titlane på alle artiklane som er publisert frå 1914 og fram til i dag. Katalogen er digitalisert og vil vere mogleg å finne på heimesida etter kvart. Dette arbeidet er gjort av Hallvard Tveit i Valle. I tillegg har han digitalisert ALLE årsskrifta frå 1914 til og med 1948, slik at ein etter kvart skal kunne få høve til å sjå dei digitalt.

## **Sturla Ertzeid**

Historielaget var på tampen av året i ferd med å ferdigstille eit dvd-prosjekt om og med Sturla Ertzeid, filma av fotograf Lars Emanuel Egeland frå Kvinesdal. På denne måten vonar historielaget å få festa den rike forteljartradisjonen og -måten til Sturla til film og slik ta vare på dette for komande slekter.

## **Løylandprosjektet**

Boka om folkeminnesamlaren Jon Løyland er på trappane; den kjem antakeleg ut i 2008 og vert redigert av Leonhard B. Jansen.

## **Agders Historie**

Det er kome ut fire band av Agdersoga:

- 1920-1945 (Kjell Olav Masdalen, 1991, 2000 eks.)
- 1840-1920 (Bjørn Slettan, 1998, 2000 eks.)
- 800-1350 (Torbjørn Låg, 1999, 2000 eks.)
- 1641-1723 (Ingeborg Fløystad, 2007, 2500 eks.)

Det femte bandet (1350-1640), som Stein Tveite skriv på, kjem truleg i 2009.

I komiteen for Agdersoga sit Ingeborg Fløystad, Stein Tveite, Bjørn Slettan, Gustav Sætra, Anne Tone Aanby, Berit Eide Johnsen og Rune Holbek.

## **Annan aktivitet/samarbeid**

Agder Historielag skipa i samarbeid med andre til Agderseminaret på AAKS 12. og 13. okt., digitalt fotoseminar på Strand Hotell Fevik 27. oktober og "Arkivenes dag" på statsarkivet i Kr.sand 10. nov. I tillegg er historielaget sterkt medverkande til realiseringa av ei eiga brukargruppe av Bentsens hus og har hatt fleire møte saman med kommunen og dei interesserte i året som har gått.

## **Økonomi**

Medlemskontingenten for 2007 var på 220,- kr., altså uendra. Vest-Agder Fylkeskommune gav eit driftstilskot på 75.000 kr., i tillegg til eit tilskot til Agdersoga på 50.000 kr. Frå Aust-Agder Fylkeskommune kom det 0 i driftstilskot og 50.000 kr. til Agdersoga. Rekneskapen viser eit underskot på kr. 37.729 kr i 2007, som fordeler seg på kr. 12.609 som gjeld Agdersoga og kr. 25.120 som gjeld vanleg drift. No skal det seiast at all porto og arbeidshonorar er lagt inn i drift - òg den som har gått med til utsending av Agdersoga.

På lager har me ståande ei mengd bøker som sjølvstilt utgjør ein stor verdi, men som ikkje er synt i jamvektrekneskapen. Desse vert talde ved flytting av kontoret. For fleire detaljar, sjå rekneskapsversyn og revisjonsmelding.

## **Oppsummering**

Historielaget har halde ein høg aktivitet òg i 2007. Sjølv om ikkje nettsida er vorten oppdatert, så er digitaliseringa som vart gjort av årsskrifta heilt frå 1914 og fram til 1948 eit utruleg viktig arbeid. Styret legg ned ein god og viktig innsats for laget, og har vore representert på 100-årsfesten til Søgne Historielag, oppstart av nytt historielag i Greipstad, historielagsmøte i Ny-Hellesund og på årsmøtet til landslaget. Beint Foss er dessutan varamedlem til styret i landslaget.

I tillegg har me hatt fleire viktige samarbeidspartnarar som me ynskjer å rette ein særskild takk og helsing til: Kristiansand kommune, Posebymarknaden, Christianssands Byselskab, Fortidsminneforeningen og Wergelandselskapet, i tillegg til Aust-Agder Kulturhistoriske Senter, Statsarkivet og fylkeskommunane.

Kristiansand, februar 2008